

Ob wir derowegen wol noch müssen im Streit seyn/ Job. 7. Iob. 7.
 vnd nicht mit fleisch vnd Blut/ sondern mit Fürsten vnd Gewalti-
 gen/te. zu streiten haben/ Ephes. 6. So haben wir vns doch nicht Ephes. 6.
 zu fürchten/ sondern können getrost vnd wolgemuth seyn. Denn ob
 wol Christus vnser Heyland/ nicht mehr iünger Zeit/ der gestalt vn-
 ter vns wohnet/ wie das wörtlein εὐχρηστός mit bringet/ in sichtba-
 rer Knechtlicher Gestalt: Sintemal er dieselbe am Tage seiner
 Auferstehung vnd Himmelfahrt abgelegt: So ist er dennoch vn-
 sichtbarer weise bey vns/ vnd vnter vns/ Krafft seiner warhafftigen
 Verheißung/ Matth. am 18. Wo ihrer zween oder drey versamblet Matth. 18.
 sind in meinem Namen/ da wil ich mitten vnter ihnen seyn. Item/
 Matth. am 28. Sehet/ Ich bin bey euch alle Tage/ bis an der Welt Matth. 28.
 Ende/te. vnd hilfft vns noch also kämpffen vnd streiten/ kriegen vnd
 sigen/ bis er vns als die rechte triumphatores zu sich in sein ewiges
 Himmelreich nehmen wird.

So viel auff dismal.

Das wir nun dis alles in einem guten vnd feinen Herken wol
 behalten / vnd recht gebrauchen / Christum vnsern Heyland/ das
 Wort des himmlischen Vaters recht erkennen/ vnd vns / das dis
 Wort Fleisch worden/ von Herken trösten vnd erfreuen/ auch sei-
 ner gnädigen Benwohnung in der That vnd Warheit genießen/ I. Cor. 15.
 bis er vns wird zu sich nehmen / vnd alles in allem seyn ewiglich:
 Dazu wolle vns verhelffen/ Gott Vater/ G. D. t. Sohn/ vnd G. D. t.
 heiliger Geist/ ein hochgelobter Gott/ von nun an bis in Ewig-
 keit/ Amen/ H E R R J E S U S C h r i s t e /
 A M E N.



Pp ij

Die